

唐

詩

歸

唐詩歸第八卷目錄

盛唐三

王維

酬諸公見過

早春行

早朝

贈劉藍田

戲贈張五弟諲

其二

與胡居士皆病寄此詩兼示學人

送宇文太守赴宣城
送綦母秘書棄官

還江東

送別

送張五歸山

齊州送祖三

送綦母潛落第還鄉 觀別者

晦日遊大理韋卿城南別業四聲次用各

六韻

藍田山石門精舍

青谿

崔濮陽兄季重前

山興

休假還舊業便使

渭川田家

春中田園作

飯覆釜山僧

謁璿上人

瓜園詩

自大散以往深林

密竹磴道盤曲四五十里見黃牛嶺見

黃花川

納涼

西施詠

燕子龕禪師

羽林騎閨人

偶然作

其二

其三

其四

獻始興公

哭殷遙

夷門歌

桃源行

寒食城東卽事

不遇詠

榆林郡歌

問寇校書雙谿

答張五弟

送李睢陽

白龍渦

唐詩歸第八卷目錄終

唐詩歸第八卷

景陵

鍾惺伯敬父

同選定

譚元春友夏父

古吳劉敦典生父重訂

盛唐三

王維

鍾云王孟並稱。畢竟王妙于孟。王能兼孟。孟不能兼王也。○譚云杜妙于李。王妙于孟。劉妙于錢。白妙于元。勿以齊名。遂忘貴實也。

○○酬諸公見過

鍾云此詩人但知其幽適。不知其意思宛
篤處。○又云韻高氣厚。○譚云四言詩字
字欲學三百篇。便遠于三百篇矣。右丞以
自己性情留之。味長而氣永。使人益厭劉
琨陸機諸人之拙。

嗟予未喪。哀此孤生。屏居藍田。薄地躬耕。鍾云歲

晏輸稅。以奉粢盛。晨往東臯。夕露未晞。暮看烟火。

負擔來歸。我聞有客。足掃荆扉。簞食伊何。醯瓜抓

棗。仰厠羣賢。皤然一老。鍾云即老杜汎愛容霜媿
鬢意。杜氣悲。而此語和媿

無筦簟。班荆席藁。汎汎登陂。折彼荷花。靜觀素鮪。
鍾云胸中元化。俯映白沙。山鳥羣飛。日隱輕霞。鍾云秀發。登車
上馬。倏忽雨散。雀噪荒村。鷄鳴空館。還復幽獨。鍾云甚深。重歎累歎。

○早春行

鍾云右丞禪寂人。徃徃妙于情語。

紫梅發初遍。黃鳥歌猶澁。誰家折楊女。弄春如不及。
鍾云如不及三字。此惜春惜字更妙。及語有添數字而暢快者。此類是也。愛水看桃
坐。羞人映花立。香畏風吹散。鍾云修飾有情。衣愁露霑濕。

玉閨青門裏。霜落香車入。游衍益相思。含啼向綠

帷憶君長入夢。歸晚更生疑。譯云疑得多情。不及紅簷燕
雙棲綠少時。

○早朝

皎潔明星高。蒼茫遠天曙。槐霧暗不開。城鴉鳴稍
去。鍾云稍去。稍宗妙。始聞高閣聲。莫辨更衣處。鍾云似
宮怨。銀
燭已成行。金門儼駟馭。

○贈劉藍川

籬間犬迎吠。出屋候荆扉。歲晏輸井稅。山村人夜
歸。晚田始家食。餘布成我衣。鍾云厚甚。○又云爲
此一句不入律內。然
不盛唐人拘。詎肯無公事。煩君問是非。

○戲贈張五弟諲

吾第東山時，心尚一何遠。日高猶自臥，鐘動始能
飯。領上髮未梳，床頭書不卷。清川興悠悠，空林對
偃蹇。青苔石上淨，細步松下軟。窗外鳥聲閒，階前
虎心善。鍾云此善字。押得甚有道氣。徒然萬象多，澹爾太虛緬。
一知與物平，自顧爲人淺。對君忽自得，浮念不煩
遣。

○其二

設置守兔兔，垂釣伺遊鱗。此是安口腹。譚云真非人真話。非
關慕隱淪。吾生好清淨，蔬食去情塵。今子方豪蕩。

思爲鬻食人。我家南山下。動息自遣身。入鳥不相
亂。見獸皆相親。雲霞成伴侶。虛白侍衣巾。鍾云此
木侍更以何事須夫子。邀予谷口真。

鍾云題中戲贈二字。意頗難看。似嘲其隱
志不能自堅。

○與胡居士皆病寄此詩兼示學人

一興微塵念。橫有朝露身。如是睹蔭界。何方置我

人。礙有固爲主。趣空寧捨賓。譚云。徑作禪
語。反無禪心。洗心詎

懸解。悟道正迷津。因愛果生病。從貪始覺貧。譚云
日用

拈言不
獨禪語。色聲非彼妄。浮剏即吾真。四達竟何遣。萬

殊安可塵。胡生但高枕。寂寞與誰鄰。戰勝不謀食。
理齋甘負薪。子若未始異。詎論疏與親。

○送宇文太守赴宣城

寥落雲外山。迢遙舟中賞。鏡吹發西江。秋空多清響。
地迴古城蕪。月明寒潮廣。鍾云禪偈。時賽敬亭神。復
解吾師網。何處寄相思。南風吹五兩。

○送綦毋秘書弃官還江東

明時久不達。棄置與君同。天命無怨色。人生有素
風。念君拂衣去。四海將安窮。秋天萬里淨。日暮登
江空。清夜何悠悠。扣舷明月中。和光魚鳥際。澹爾

薰葭。策無庸。客昭世。衰聳日如蓬。頑疎暗人事。僻
陋遠天聰。微物縱可采。其誰爲至公。予亦從此去。
歸畊爲老農。

○送別

下馬飲君酒。問君何所之。君言不得意。歸臥南山
陲。但去莫復問。白雲無盡時。鍾云感概寄托盡此
十字。緝藉不覺深味
之。知右丞非一意清
寂無心用世之人。

○送張五歸山

送君盡惆悵。復送何人歸。譚云盡字妙。○鍾云千
古情語難出此十字。

幾日同攜手。一朝先拂衣。東山有茅屋。幸爲掃荆

扉當亦謝官去。豈令心事違。

○齊州送祖三

相逢歡一笑。相送還成泣。祖帳已傷離。荒城復愁

入。天寒遠山淨。日暮長河急。鍾云幽景入送別中妙解纜君

已遙。望君猶佇立。譚云送行圖

○送綦毋潛落第還鄉

聖代無隱者。英靈盡來歸。遂令東山客。不得顧采

薇。鍾云落第語說得氣象既至君門遠。孰云吾道非。江淮度

寒食。京洛縫春衣。置酒臨長道。同心與我違。行當

浮桂棹。未幾拂荆扉。遠對帶行客。鍾云帶字着行客上便姓孤

城當落暉。吾謀適不用。勿謂知音稀。

○觀別者

鍾云觀別者與自家送別益覺難堪非深
情人不暇命如此題

青青楊柳陌。陌上別離人。愛子遊燕趙。高堂有老

親。不行無可養。行去百憂新。鍾云情真事真。遊人

矣。切切委兄弟。依依向四鄰。鍾云貧士老於

悵飲畢。從此謝親賓。揮涕遂前侶。含悽動征輪。車

徒望不見。時見起行塵。吾亦辭家久。看之淚滿巾。

○晦日遊大理韋卿城南別業四聲次用各六

韻

與世澹無事。自然江海人。鍾云律詩高賁起句。側聞塵外遊。
解驂輓朱輪。平野照暄景。上天垂春雲。張組竟北
阜。汎舟過東鄰。故鄉信高會。牢醴及佳辰。幸同擊
壤樂。心荷堯爲君。

○○藍田山石門精舍

鍾云山水真境。○又云妙在說得變化。似
有步驟。而無端倪。作記之法亦然。○譚云
遊得心細。

落日山水好。鍾云看漾舟信歸風。探竒不覺遠。因

以緣源窮。遙愛雲木秀。鍾云。意恐不同。初疑路不同。安知

清流轉。偶與前山通。譚云。無數路徑在內。拾舟理輕策。果然

愜所適。老僧四五人。逍遙蔭松柏。朝梵林未曙。夜

禪山更寂。道心及牧童。鍾云。及字深妙難言。世事問樵客。冥

宿長林下。焚香臥瑤席。澗芳襲人衣。山月映石壁。

再尋畏迷誤。明發更登歷。笑謝桃源人。花紅復來

觀。鍾云。真于山。水有情。

○青谿

言入黃花川。每逐青谿水。隨山將萬轉。趣途無百

里。鍾云。亦足真境。聲喧亂石中。色靜深松裏。譚云。喧靜漾俱極深妙。

漾汎菱苳。澄澄映葭葦。我心素已閒。清川澹如此。
鍾云如。此字奇。請留盤石上。垂釣將已矣。

○崔濮陽兄季重前山興

秋色有佳興。况君池上閒。
鍾云亦是律中。好起。悠悠西林下。

自識門前山。
鍾云自識二字。下得妙。千里橫黛色。數峰出雲

間。嗟峨對秦國。合沓藏荆關。殘雨斜日照。夕嵐飛

鳥還。故人今尚爾。歎息此顏顏。
譚云用虛字。能令向中有骨。

○休假還舊業便使

鍾云極真極細。消人宦况。

謝病始告歸。依依入桑梓。家人皆佇立。相候衡門

裏時輩皆長年。成人舊童子。上堂嘉慶畢。顧

親齒論舊。忽餘悲。目存且相喜。鍾云難堪在此喜字。田園轉

蕪沒。但有寒泉水。衰柳日蕭條。秋色清邑里。入門

乍如客。休騎非便止。譚云說得透。中飯顧王程。鍾云中飯飯中

也。即詩中河國語中飲之義。言飯不遑綏也。勞于王事意在此二字。離憂從此始。鍾

喜在二境。周始相錯。最為難堪。

○渭川田家

斜光照墟落。窮巷牛羊歸。野老念牧童。鍾云厚氣倚杖

候荆扉。雉雊麥苗秀。蠶眠桑葉稀。田夫荷鋤至。相

見語依依。即此羨閒逸。悵然吟式微。

○春中田園作

譚云情詩。閒寂詩。田家詩。右丞一一能妙。如閒寂田家詩不妙。情詩便是俗豔。

屋上春鳩鳴。村邊杏花白。持斧伐遠揚。荷鋤覘泉脉。歸燕識故巢。舊人看新曆。臨觴忽不御。惆悵遠行客。

○飯覆釜山僧

晚知清淨理。日與人羣疏。將候遠山僧。先期掃弊廬。果從雲峰裏。顧我蓬蒿居。藉草飯松屑。焚香看道書。然燈晝欲盡。

鍾云此盡字說得深

鳴磬夜方初。一悟寂。

爲樂。此生閑有餘。講云至言。思歸何必深。身世猶
空虛。

○謁璿上人 并序

上人外人內天。不定不亂。捨法而淵泊。無心而
雲動。色空無碍。不物物也。默語無際。不言言也。
故吾徒得神交焉。玄關大啓。德海羣泳。時雨旣
降。春物具美。序于詩者。人百其言。

少年不足言。識道年已長。鍾云非惟識道。續事往

安可悔。餘生幸能養。誓從斷臂血。不復嬰世網。浮
名寄纓珮。空性無羈鞅。夙承大導師。焚香此瞻仰。

頽然居一室。覆載紛萬象。鍾云清淨廣大累高柳言不盡解口道也
早鶯啼長廊。春雨響。譚云禪床下阮家伎。窗前筇竹杖。方將見身雲。陋彼示天壤。一心在法要。願以無生獎。

○瓜園詩 并序

維瓜園高。坐俯視南山形勝。二三時輩。同賦是詩。兼命詞英。數公。鍾云時輩詞英下語有允曉同用園字爲韻。韻任多少。時太子司議郎薛璩發此題。遂同

諸公云。

予適欲鋤瓜。

鍾云率然起開甚

倚鋤聽扣門。鳴騶導驄馬。

常從夾朱軒窮巷正傳呼故人倘相存攜手追涼

風放心望軋坤藹藹帝王州宮觀一何繁譚云鐫瓜詩人

不知入此壯語然亦不必林端出綺道殿頂搖華幡素懷在青

山若值白雲屯迴風城西雨返景原上村前酌盈

尊酒徃徃聞清言黃鸝轉深水朱樞照中園猶羨

松下客石上聞清猿

○自大散以往深林密竹磴道盤曲四五十里

至黃牛嶺見黃花川

危徑幾萬轉數里將三休迴環見徒侶隱映隔林

丘譚云此四語過後追補不得颯颯松上雨潺潺石中流靜言

深溪裏長嘯高山頭望見南山陽白露藹悠悠鍾
悠悠二字着白露青臯麗已淨綠對鱗如浮曾是
有光景說不得厭蒙密鍾云厭字妙曠然銷人憂

○納涼

喬木萬餘株清流貫其中鍾云好筆端似水經注前臨大川
口豁達來長風連漪涵白沙素鮪如游空譚云快恬得心
細偃臥盤石上翻濤沃微躬漱流復濯足前對釣
魚翁貪餌凡幾許徒思蓮葉東譚云無盡

○西施詠

鍾云情豔詩到極深細極委曲處非幽靜

人原不能理會。此右丞所以妙於情詩也。
彼專以禪寂間居求右丞幽靜者。真淺且
浮矣。

艷色天下重。西施寧久微。

譚云二語使高才淹滯者讀之感奮。朝仍

越溪女。暮作吳宮妃。賤日豈殊衆。貴來方悟稀。

其實不然。形容邀人傳香粉。不自着羅衣。譚云寫盡暴富

人驕君寵益嬌態。君憐無是非。譚云台情中入微

妙當時浣紗伴。莫得同車歸。鍾云說得榮衰持謝

鄰家子。效顰安可希。

○燕子龕禪師

山中燕子龕路刺羊腸惡裂地竟盤屈插天多峭

嶠瀑泉吼而噴恠石看欲落伯禹訪未知五丁愁

不鑿鍾云數語單說燕子龕上人踪跡幽遐矣上人無生緣生長居紫

閣六時自槌磬一飯嘗帶索種田燒白雲斫添響

丹壑譚云事妙行隨拾栗猿歸對巢松鶴時許山神請

偶逢洞仙博救世多慈悲即心無行作周商倦積

阻蜀物多淹泊巖腹乍旁穿澗唇時外拓橋因倒

樹架柵值垂藤縛譚云寫出禪師隨緣無心妙境鳥道悉已平龍

宮爲之涸跳波誰揭厲絕壁免捫摸山木日陰陰

結跏歸舊林一向石門裏任君春少深鍾云禪理

羽林騎閨人

秋月臨高城。城中管絃思。離人堂上愁。稚子堦前

戲。鍾云粧點出門復映戶。望望青絲騎。行人過欲盡。鍾云

傷心狂夫終不至。左右寂無言。相看共垂淚。

○ ○ 偶然作 四首

鍾云讀王儲偶然作。見清士高人胸中皆

似有一段壘塊不平處。特其寄託高遠。意

思深厚。人不能覺。然儲作氣和。而王作骨

傲。儲似微勝。

楚國有狂夫。茫然無心想。鍾云做散髮不冠帶。行

即在此

歌南陌上。孔丘與之言。仁義莫能獎。鍾云寫未嘗

肯問天。何事須擊壤。復笑采薇人。胡爲乃長逞。

鍾云讀此知狂不易言。孔子思狂正是此
一流人。

○其二

田舍有老翁。垂白衡門裏。有時農事閒。斗酒呼鄰
里。喧聒茅簷下。或坐或復起。短褐不爲薄。園葵固
足美。動則長子孫。不曾向城市。五帝與三王。古來
稱君子。譚云似水滸傳不讀書人干戈將揖讓。畢
竟何者是。鍾云莊列之語得意苟爲樂。野田安足

鄙且當放懷去。行行沒餘齒。

○其三

日夕見太行。沉吟未能去。問君何以然。世網嬰我故。小妹日成長。兄弟未有娶。家貧祿既薄。儲蓄非有素。幾迴欲奮飛。跼蹐復相顧。孫登長嘯臺。松竹有遺處。相去詎幾許。故人在中路。愛染日已薄。禪寂日已固。忽乎吾將行。寧俟歲云暮。

○其四

老來懶賦詩。惟有老相隨。譚云此白髮不宿世謬詞客。前身應畫師。鍾云妙於自處不能捨餘習。偶被世人

知譚云不作誑語。名字本皆是。此心還不知。

○獻始興公

寧棲野樹林。寧飲澗水流。不用坐梁肉。鍾云坐字

情狀可悲。崎嶇見王侯。譚云崎嶇二字妙說得鄙哉匹

夫節布褐將白頭。鍾云如此任智誠則短。守仁固

其優。側聞大君子。安問黨與讐。所不賣公器。動爲

蒼生謀。鍾云感慨之言胸中真有所見賤子跪自陳。可爲帳下

不。鍾云低徊。慨感激有公議。曲私非所求。

鍾云不讀此等詩。不知右丞胸中有激烈

悲憤處。

○哭殷遙

人生能幾何。畢竟歸無形。念君等爲歿。萬事傷人
情。慈母未及葬。一女纔十齡。決泝寒郊外。蕭條聞
哭聲。浮雲爲蒼茫。鍾云此句可飛鳥不能鳴。行人何寂
寞。白日自淒清。憶管君在時。問我學無生。勸君苦
不早。令君無所成。鍾云是何等肝腸故人各有贈。又不
平。生負爾。非一途。慟哭返柴荆。鍾云引答語哀甚
○文云真朋友○

譯云似有聲
出餘緒外

鍾云王孟之妙在五言。五言之妙在古詩。
今人但知其近體耳。每讀唐人五言古妙

處未嘗不恨李于麟孟浪妄語

夷門歌

七雄雄雌猶未分，攻城殺將何紛紛。秦兵益圍邯鄲急，魏王不救平原君。公子爲嬴停駟馬，執轡愈恭意愈下。亥爲屠肆鼓刀人，嬴乃夷門抱關者。非但忼慨獻奇謀，意氣兼將身命酌。向風刎頸送公于七十老翁何所求。鍾云取其一結

○桃源行

漁舟逐水愛山春。鍾云逐水愛山佳景佳事兩岸桃花夾去津。

坐看紅樹不知遠。鍾云不知遠遠近俱說不得矣寫景列其行盡青谿

不見人。山口潛行始隈隩。山開曠望旋平陸。遙看

一處攢雲樹。近日千家散花竹。鍾云散字寫景細。樵客初

傳漢姓名。居人未改秦衣服。居人共住武陵源。還

從物外起田園。月明松下房櫺靜。日出雲中鷄犬

喧。驚聞俗客爭來集。譚云世外人不知世事。光景如見。競引還家

問都邑。平明問巷掃花開。薄暮漁樵乘水入。譚云三字

有初因避地去人間。及至成仙遂不還。峽裏誰知

有人事。世中遙望空雲山。鍾云此處已是絕妙。結句因後一結更妙。故漆

一段不疑靈境難聞見。塵心未盡思鄉縣。出洞

無論隔山水。辭家終擬長游衍。自謂經過舊不迷。

安知峰怪。今來變當時。只記入山深。青谿幾曲到
雲林。春來遍是桃花水。鍾云依然就桃花水上。加
遍是二字。寫出仙凡之隔。
又是一世界。一光景。下不難。不難二字。寫出仙凡之隔。
句。即從此二字生出。妙妙。

鍾云將幽事寂境。長篇大幅。滔滔寫來。只
如唐人作帝京長安。富貴氣象。彼安得有
如此流便不羈。

○寒食城東即事

清溪一道穿桃李。鍾云穿字
說出深曲。演漾綠蒲涵白芷。谿

上人家凡幾家。落花半落東流水。蹴踘屢過飛鳥
上。鞦韆競出垂楊裏。少年分日作遨遊。不用清明

兼上已。

譚云達者語。

鍾云此便是絕妙帝京篇。長安古意。豈得以其少而棄之。

○不遇詠

北闕獻書寢不報。南山種田時不登。百人會中身

不預。

譚云真不堪。

五侯門前心不能。

鍾云心不能妙在能字。把不遇說得

是窮愁。身投河朔飲君酒。家在茂陵平安否。且此

登山復臨水。莫問春風動楊柳。今人作人多自私。

我心不說君應知。濟人然後拂衣去。肯作徒爾一

男兒。

鍾云四語直而婉。是高岑絕妙歌行。○譚云讀此方知右丞真簡寂。經濟人。原躁不得。

○榆林郡歌

山頭松栢林。山下泉聲傷客心。千里萬里春少色。
黃河東流流不息。黃龍戍上游。俠兒愁逢漢使不
相識。

鍾云數語寫盡悲壯。

○問寇校書雙溪

君家少室西。爲復少室東。譚云縹緲別來幾日。今春風
新買雙溪定何似。餘生欲寄白雲中。

○答張五弟

終南有茅屋。前對終南山。終年無客常閉關。終日

無心長自閒。不妨飲酒復垂釣。君但能來相往還。

鍾云君但能來四字意深。

○送李睢陽

鍾云字字是樂府妙語。又不當作歌行體看之。

將置酒。思悲翁。使君去。出城東。麥漸漸。雉子斑。槐陰陰。到潼關。騎連連。車遲遲。車遲遲。心中悲。宋又遠。周間之。南淮夷。東齊兒。碎碎織練與素絲。遊人賈客信難持。五穀前熟方可爲。下車閉閣君當思。
鍾云秀婉可誦。天子當殿儼衣裳。大官尚食陳羽觴。彤庭

散綬垂鳴璫。黃紙詔書出東廂。輕紈疊綺爛生光。
宗室子弟君最賢。分憂當爲百辟先。布衣一言相
爲。歟。何況聖主恩如天。鍾云又激烈。又溫厚。又云經濟熱腸人語。○鸞
聲噦噦魯侯旂。明年上計朝京師。須憶今日斗酒
別。慎勿富貴忘我爲。

○白鼈渦

南山之瀑水兮。激石濺瀑似雷驚。人相對兮不聳
語聲。翻渦洮沫兮。蒼苔濕蘚老且厚。譚云厚字非
着老字不妙。
春少爲之不生。獸不敢驚動。鳥不敢飛鳴。白鼈渦
濤戲瀨兮。委身以縱橫。王人之仁兮。不網不釣得。

遂性以生成。鍾云以奇起以厚終。

言詩歸第八卷 終

唐詩歸卷第九目錄

盛唐四

王維

韜川閑居贈裴秀才迪 寄荊州張丞相

酬張少府 酬虞部蘇員外過

藍田別業不見留之作

送丘爲落第歸江東 送岐州源長史歸

送張道士歸山 同崔興宗送衡嶽

瑗公南歸 送丘爲往唐州

送崔九興宗遊蜀 送梓州李使君

送張五諶臨宣城

送賀遂員外外甥

送楊長史赴果州

送邢桂州

送孟六歸襄陽

初出濟州別城中

故人

登裴秀才廸小臺

遊李山人所居因題屋壁

題香積寺

過感化寺曇興上

人山院

喜祖三至留宿

晚春嚴少尹與諸公見過

鄭果州相過

留別錢起

山居秋暝

終南別業

歸嵩山作

歸輞川作

山居卽事

終南山

輞川閑居

觀獵

漢江臨汎

汎前陂

戲題示蕭氏外甥

待儲光羲不至

奉和聖製從蓬萊向興慶閣道中留春雨

中春望之作

勅賜百官櫻桃

和太常韋主簿五郎溫湯寓目之作

過乘如禪師蕭居士嵩丘蘭若

冬日與裴廼過新昌里訪呂逸人不遇

酌酒與裴迪

積雨輞川莊作

贈東嶽焦鍊師

送秘書晁監還日

本國

曉行巴峽

早入滎陽界

東谿玩月

田家

山中示弟等

斤竹嶺

鹿柴

木蘭柴

茱萸泝

竹里館

烏鳴磭

答裴迪輞口遇雨憶終南山之作

左掖梨花

雜詩三首

崔興宗寫真詠

少年行

九月九日憶山東兄弟

送元二使安西

送沈子歸江東

寒食汜上作

歎白髮

王縉

古離別

青雀歌

同王昌齡裴廸遊青龍寺曇壁上人兄院

集和兄維

裴廸

青龍寺曇壁上人院集

遊化感寺曇興

上人山院

夏日過青龍寺

謁操禪師

西塔寺陸羽茶

泉

金屑泉

崔九欲往南山馬上口號與別

崔興宗

同王右丞送瑗公南歸

慕容承

攜素饌過王維

丘爲

尋西山隱者不遇

題農夫廬舍

泛若耶溪

留別王維

登潤州城

送閻校書之越

左掖梨花

唐詩歸卷第九目錄

終

唐詩歸



卷九

目錄

四

唐詩歸第九卷

景陵

鍾惺伯敬父

選定

譚元春友夏父

盛唐四

古吳劉敦典生父重訂

王維

○輞川閒居贈裴秀才迪

寒山轉蒼翠

鍾云轉字妙於寒山有情

秋水日潺湲倚杖柴門

外臨風聽暮蟬渡頭餘落日墟里上孤烟

鍾云上字好

復值接輿醉狂歌五柳前

寄荆州張丞相

所思竟何在。望深荆門。鍾云悠然舉世無相識終

身思舊恩。鍾云悲甚厚甚方將與農圃。菽植老丘

園。鍾云此二句不說目盡南無雁。何由寄一言。鍾云

直朴深致

酬張少府

晚年惟好靜。萬事不關心。自顧無長策。空知返舊

林。松風吹解帶。山月照彈琴。君問窮通理。漁歌入

浦深。鍾云透悟說不出。譚云妙絕

鍾云妙在酌答。只似一首閒居詩。然右丞

廟堂詩亦皆是閒居。

○酬虞部蘇貞外過藍田別業不見留之作

貧居依谷口，喬木帶荒村。石路枉迴駕，山家誰候

門。鍾云在歸路寥落上看漁舟膠凍浦，獵火燒寒

原。唯有白雲外，疎鍾聞夜猿。鍾云後四句似不露題。映帶蘊藉。妙在言

外此法人不能短

○送丘爲落第歸江東

憐君不得意，况復柳條春。爲客黃金盡，還家白髮

新。五湖三畝宅，鍾云似劉一歸人。鍾云似劉知爾不能

薦羞稱獻納，鍾云此語人不肯說虛心實情○

唐詩帶
唐詩四
卷一

達口。則爲自責出貧士口。
則爲尤大易地。則失之矣。

○送岐州源長史歸

握手一相送。心悲安可論。
秋風正蕭索。客散孟嘗門。
鍾云自故邑通槐里。長亭下權原。
征西舊旌節。從此向河源。

○送張道士歸山

先生何處去。王屋訪毛君。
別婦留丹訣。驅鷄入白雲。
人間苦難住。天上復離羣。
鍾云說得此道上當

作遼城鶴仙歌使爾聞。

鍾云用使爾二字法便老

○同崔興宗送衡岳瑗公南歸

并叙

衡嶽瑗上人者嘗學道于五峰陰松樓雲與狷
虎雜處得無所得矣天寶癸巳歲始遊于長安
手提瓶笠至自萬里燕居吐論繼屬高之初給
事中房公謫居宐春與上人夙土相接因爲道
友伏臘往來房公旣海內盛名上人亦以此增
價譚云此語勿令俗和
尚短之使共熱中秋九月杖錫南返扣門
來別秦地少木槭槭已黃蒼梧白雲不日而見
滇陽有曹谿學者爲我謝之。

言從石茵閣新下穆陵關獨向池陽去白雲留故

山鍾云有情妙語綻衣秋日裏洗鉢古松間一施傳心法

唯將戒定還

○送丘爲往唐州

宛洛有風塵，君行多苦辛。

鍾云真

四愁連漢水，百口

寄隨人。槐色陰清晝，楊花惹暮春。朝端肯相送，天

子繡衣臣。

鍾云世情感慨

○送崔九與宗遊蜀

送君從此去，轉覺故人稀。徒御猶迴首，田園方掩

扉。鍾云說得別情無限出門當旅食，中路授寒衣。江漢風流

地，遊人何處歸。

○送梓州李使君

萬壑樹參天。千山響杜鵑。山中一夜雨。樹杪百重

泉。譚云冷然妙語。乃於漢女輸幢布。巴人訟芋田。

鍾云送行詩得之更妙。宗人不肯說。詩中說風土空如此。文翁翻教授。不敢倚先賢。

○送張五諲歸宣城

五湖千萬里。况復五湖西。漁浦南陵郭。人家春穀

溪。欲歸江淼淼。未到少萋萋。鍾云未到妙。憶想蘭陵鎮。

可空猿更啼。鍾云可空二字。問得妙。

○送賀遂負外甥

南國有歸舟。荆門泝上流。蒼茫葭菼外。雲水與昭

丘。鍾云加一與字。更寥落。檣帶城烏去。江連暮雨愁。猿聲不

可聽莫待楚山秋

○送楊長史赴果州

衰斜不容憶之子，
去何之鳥道一千里。
猿聲十二時，
官橋祭酒客。
山木女郎祠，
別後同明月。
君應聽

子規

譚云君應二字吞吐難言

鍾云此等絕似太白

、送邢桂州

鏡吹喧京口，
風波下洞庭。
赭圻將赤岸，
擊汰復揚舲。
日落江湖白，
潮來天地青。
譚云夾甚
明珠歸

合浦，應遂使臣星。

○送孟六歸襄陽

鍾云極真極厚。不作一體面。勉留套語。然亦憤甚。特深渾不覺。

杜門不復出。久與世情疎。以此爲長策。勸君歸舊

廬。鍾云交情世道盡此十字。譚云今世失意人惡聞此語。送者便諱言之。醉歌田舍

酒笑讀古人書。鍾云笑字有情。譚云會讀書人趣在笑字。好是一生

事無勞獻子虛。

○初出濟州別城中故人

微官易得罪。鍾云易字可憐。謫去濟川陰。執政方持法。鍾

持法二字。周旋感慨。立言甚妙。譚云極忠厚。極不忠厚。明君無此心。閭閻河

持法二字。周旋感慨。立言甚妙。譚云極忠厚。極不忠厚。

潤上

鍾云細

井邑海雲深。縱有歸來日。各愁年鬢侵。

鍾云交情在各字。若單愁自己。則淺矣。

○○登裴秀才廸小臺

端居不出戶。滿目望雲山。落日鳥邊下。

鍾云晚景之妙無如

此秋原人外閒遙。知遠林際不見此簷間。
小臺移
不動。○鍾云不說登處。却說望處。筆端妙妙。好客多。乘月應門。莫上關。

○遊李山人所居因題屋壁

世人皆如夢。狂來或自歌。問年松樹老。有地竹林多。藥倩韓康賣。門容尚子過。翻嫌枕席上。無奈白

雲何。
鍾云妙妙山中。人實有此覺。

○題香積寺

不知香積寺。數里入雲峰。古木無人逕。深山何處

鐘。

鍾云幽而渾。中晚人。有此法。多失于單。泉聲咽危石。日色冷青松。

譚云

微。薄暮空潭曲。安禪制毒龍。

○過感化寺曇興上人山院

暮持筇竹杖。相待虎溪頭。客聞山響。鍾云催歸。

房逐水流。

鍾云好。路。運。野花叢發好。谷鳥一聲幽。鍾云不

相于寫

我幽情。夜坐空林寂。松風直似秋。

○喜祖三至留宿

門前洛陽客。下馬拂征衣。不枉故人駕。平生多掩

扉鍾云有感行人返深巷積雪帶餘暉早歲同袍者高

車何處歸鍾云只寫閒景都

○晚春嚴少尹與諸公見過

松菊荒三徑圖書共五車烹葵邀上客看竹到貧

家鵲乳先春少鶯啼過落花鍾云先字過字孫妙

不可思議自憐黃髮暮一倍惜年華

○鄭果州相過

麗日照殘春初晴少木新鍾云與清明烟床前磨

鏡客鍾云用樹下灌園人五馬驚窮巷雙童逐老

身中厨辦麤飯當恕阮家貧鍾云恕貧

○留別錢起

卑棲却得性。每與白雲歸。狗祿仍懷橘。看山免采薇。
鍾云免字便妙。暮禽先去。馬新月待開扉。譚云待字妙。并人忽然見。微月情昂。但可想見。霄漢時迴首。知音青瑣闈。

○山居秋暝

空山新雨後。天氣晚來秋。明月松間照。清泉石上流。
譚云說倚竹喧歸浣女。蓮動下漁舟。鍾云竹喧蓮動。細極靜極。隨

意春芳歇。王孫自可留。

○終南別業

鍾云此等作。只似未有聲詩之先。便有此。

一首詩然讀之如新出諸口及初入目者
不覺見成其故難言○譚云只是作人行
徑幽妙

中歲頗好道晚家南山陲興來每獨往勝事空自
知行到水窮處坐看雲起時譚云偶然值林叟談
笑無還期

○歸嵩山作

清川帶長薄車馬去閒閒流水如有意鍾云如有意深於無
暮禽相與還荒城臨古渡落日滿秋山迢遞嵩

高下歸來且閉關

○歸輞川作

谷口疎鐘動。漁樵稍欲稀。悠然達山暮。獨向白雲歸。
鍾云閑而做菱蔓弱難定。楊花輕易飛。東臯春少色。惆悵掩柴扉。

○山居即事

寂寞掩柴扉。蒼茫對落暉。鶴巢松樹遍。
鍾云松老從遍字看出。人訪草門稀。綠竹含新粉。紅蓮落故衣。渡頭烟火起。處處采菱歸。

○終南山

太乙近天都。連山到海隅。白雲迴望合。青靄入看

無分野中峰變。陰晴衆壑殊。欲投人處宿。隔水問

樵夫。鍾云
画

○輞川閒居

一從歸白社。不復到青門。時倚簷前樹。遠看原上

村。譚云。偶
然姓。青菘臨水映。白鳥向山翻。寂莫於陵子

桔臯方灌園。

○觀獵

風勁角弓鳴。將軍獵渭城。少枯鷹眼疾。雪盡馬蹄

輕。鍾云。同是奇語。
上句險。下句秀。忽過新豐市。還歸細柳營。迴看

射鵰處。千里暮雲平。

譚云不亂

○漢江臨汎

楚塞三湖接。荆門九派通。江流天地外。鍾云真境說不得山色有無中。郡邑浮前浦。波瀾動遠空。襄陽好風日。留醉與山翁。

○汎前陂

秋空自明迥。况復遠人間。暢以沙際鶴。兼之雲外山。澄波澹將夕。譚云語孤另清月皓方閒。此夜任孤棹。夷猶殊未還。

○戲題示蕭茂勳

憐爾解臨池渠爺未學詩。老夫何足似。

鍾云何是似三字可

憐然滑弊宅儻因之。蘆筍穿荷葉。菱花骨雁兒。鄰

公不易勝。鍾云又占地莫着外家欺。

○待儲光義不至

重門朝已啟。起坐聽車聲。要欲聞清珮。方將出戶

迎。鍾云要欲方將等虛字。下得晚鐘鳴上苑。疎雨

過春城。譚云此十字正是待了自不相顧。臨堂空

復情。

○奉和聖製從蓬萊向興慶閣道中留春雨中

春望之作應制

渭水自縈秦塞曲，黃山舊遶漢宮斜。鑿輿迥出仙
門柳，閣道迴看上苑花。雲裏帝城雙鳳闕，雨中春
樹萬人家。鍾云幽鮮爲乘陽氣行時令，不是宸遊玩物
華。

○勅賜百官櫻桃

芙蓉闕下會千官，紫禁朱櫻出上闌。纔是寢園春
薦後，非關御苑鳥銜殘。鍾云典而致在三歸鞍競
帶青絲籠，中使頻傾赤玉盤。飽食不須愁內熱，大
官還有蔗漿寒。

和太常韋主簿五郎溫湯寓目之作

漢主離宮接露臺。秦川一。牛夕陽開。青山盡是朱
旗繞。碧澗翻從玉殿來。新豐對裏行人度。小苑城
邊獵騎迴。鍾云將小景寫出大氣象聞道甘泉能獻賦。懸知獨
有子雲才。

鍾云爲一半夕陽開五字選之。要知此等
詩。却不會深厚。不會渾雅。

○過乘如禪師蕭居士嵩丘蘭若

無着天親弟與兄。

鍾云
札

嵩丘蘭若一峰晴。

譚云
不食
食

隨鳴磬巢鳥下。行跡空林落葉聲。

鍾云踏聲外甚
譚云禪機

迸水定侵香案濕。雨花應共石床平。深洞長松何

所有儼然天竺古先生。

○春日與裴迪過新昌里訪呂逸人不遇

桃源一向絕風塵，柳市南頭訪隱淪。到門不敢題

凡鳥，看竹何須問主人。

鍾云非此妙筆則此兩事說不遇亦套矣。城上

青山如屋裏，東家流水入西鄰。譚云好閉戶著書

多歲，月種松皆作老龍鱗。

、酌酒與裴迪

鍾云直直命題便羨感慨

酌酒與君君自寬

鍾云好趣人情翻覆似波瀾，白首相

知猶按劍，朱門先達笑彈冠。少色全經細雨濕，花

枝欲動春風寒。

鍾云感慨矣。忽着此和細語。○又云此詩法粗露一途亦近矣。此二

語救之。世事浮雲何足問，不如高臥且加餐。

○積雨輞川莊作

積雨空林烟火遲。鍾云烟火遲。又妙于烟火新。然非積雨說不出。蒸藜炊

黍餉東菑。漠漠水田飛白鷺，陰陰下木轉黃鸝。山

中習靜觀朝槿。譚云悟矣。松下清齋折露葵。野老與人

爭席罷，海鷗何事更相疑。

○贈東嶽焦鍊師

先生千歲餘，五岳遍曾居。遙識齊侯鼎，新過王母
廬。不能師孔墨，何事問長沮。玉管時來鳳，銅盤即
釣魚。竦身空裊語，明日夜中書。自有還丹術，時論

太素初。頻蒙露版詔。時降軟輪車。山靜泉逾響。松
高枝轉疎。揜頤問樵客。世上復何如。

○送秘書晁監還日本國

譚云淹韻詩。難得如此渾成。常宜誦之。以
接喉間清氣。○鍾云亦復壯烈。

積水不可極。安知滄海東。九州何處遠。萬里若乘
空。向國惟看日。歸帆但信風。鰲身映天黑。魚眼射
波紅。鄉樹扶桑外。主人孤島中。別離方異域。音信
若爲通。

○早入滎陽界

汎舟入滎澤。茲邑乃雄藩。河曲閭閻隘。

鍾云此句非親歷水

害不

知。川中烟火繁。因人見風俗。入境聞方言。秋野

田疇盛。朝光市井喧。漁商波上客。鷄犬岸傍村。前

路白雲外。孤帆安可論。

鍾云安可論三宗說孤帆便妙

○東溪玩月

譚云夜中獨坐不言不語。領畧寂然自有

其妙。○鍾云寒氣蒼然。却高于骨。

月從斷山口。遙吐柴門端。

鍾云奇境

萬木分空霽。流陰

中夜攢。光連虛象白。氣爽風露寒。谷靜秋泉響。岩

深青靄殘。清澄入幽夢。破影抱空巖。

鍾云幽險恍惚琴

窗裏松谿曉思難。

譚云難字
押得好。

○田家

舊穀行將盡，良苗未可希。
老年方愛粥，卒歲且無衣。
雀乳青苔井，鷄鳴白板扉。
柴車駕羸犢，少屨牧豪稀。
多雨紅榴折，新秋綠芋肥。
餉田桑下憩，斲舍山中歸。
住處名愚谷，何煩問是非。

○山中示弟等

山林吾喪我，冠帶爾成人。
莫學嵇康懶。

鍾云父兄語。且

安原憲貧山陰多北戶，泉水在東隣。
緣合妄相有。

性空無所親。

譚云方是賢父兄識力不要看作薄骨肉。

安知廣成子不

是老夫身。

鍾云此方是認前因的確處。覺前身應盡師爲假托語。

○斤竹嶺

檀欒映空曲。青翠漾漣漪。暗入商山路。樵人不可

知。

鍾云不可二字深妙。劉長卿善用之。

○鹿柴

空山不見人。但聞人語響。返景入深林。復照青苔

上。

鍾云復照妙甚。

○木蘭柴

秋山斂餘照。飛鳥逐前侶。彩翠時分明。夕嵐無處

所。

鍾云此首殊勝諸詠物論恐不然。

○茱萸泝

結實紅且綠。復如花更開。鍾云山中倘留客。置此

芙蓉杯。

、竹里館

獨坐幽篁裏。彈琴復長嘯。深林人不知。明月來相照。

○鳥鳴磻

人間桂花落。夜靜春山空。月出驚山鳥。鍾云此時

鳴春澗中。鍾云

禪寂。

○答裴迪輞口遇雨憶終南山之作
森森寒流廣。蒼蒼秋雨晦。君問終南山心。知白雲外。

○左掖梨花

閒灑堦邊少。輕隨箔外風。黃鶯弄不足。嚙入未央

宮。

鍾云無
限憐惜

○雜詩 二首

家住孟津河。門對孟津口。常有江南船。寄書家中
否。

○其二

君自故鄉來。應知故鄉事。來日綺窗前。寒梅着花

未。

鍾云寒梅外不問及他事。妙甚。來日二字如面對語。

○其三

已見寒梅發。復聞啼鳥聲。心。心。視。春。少。

譚云連下三字深密。

畏。向。玉。階。生。

鍾云二十字中寒梅啼鳥春少看仁筆端之妙。

鍾云前二章問人。倉卒得妙。後一章自語。閒緩得妙。各自含情。

○崔興宗寫真詠

畫君年少時。如今君已老。今時新識人。知君舊時

好。

○少年行

新豐美酒斗十千，咸陽游侠多少年。相逢意氣爲君飲。

鍾云此意氣二字，虛用得妙。

繫馬高樓垂柳邊。

○九月九日憶山東兄弟

獨在異鄉爲異客，每聞佳節倍思親。遙知兄弟登高處，遍插茱萸少一人。

鍾云讀不得。

○送元二使安西

渭城朝雨裊輕塵，客舍青青柳色新。勸君更進一杯酒，西出陽關無故人。

○送沈子歸江東

楊柳渡頭行客稀。苦師盪漿向臨圻。唯有相思似
春色。江南江北送君歸。

○寒食汜上作

廣武城邊逢暮春。汶陽歸客淚沾巾。落花寂寂啼
山鳥。楊柳青青渡水人。譚云更勝上句。○鍾云盡。

○歎白髮

宿管朱顏成暮齒。須臾白髮變垂髫。一生幾許傷
心事。不向空門何處銷。鍾云無深意。只覺道得真。

王縉

○古離別

下。堦。欲。離。別。相。對。映。蘭。叢。含。辭。未。及。吐。淚。落。蘭。叢。
中。高。堂。靜。秋。日。羅。衣。飄。暮。風。誰。能。待。明。月。鍾云誰能二字
甚。怨。迴。首。見。床。空。

○青雀歌

林間青雀兒。來往翩翩繞一枝。莫言不解啣環報。
但問君恩今若爲。譯云有分曉

○同王昌齡裴迪遊青龍寺曇壁上人兄院集
和允維

林中空寂舍。階下終南山。高臥一床地。迴看六合。
間。浮雲幾處滅。飛鳥何時還。鍾云問得妙問義天人接。

無心世界閒。誰知大隱者。兄弟自追攀。譚云并非

鍾云此排律也。有高韻。不當以整求之。

裴迪

○青龍寺曇壁上人院集

靈境信爲絕。法堂出塵氛。自然成高致。向下看浮雲。迤邐峰岫列。參差問井分。林端遠堞見。風末疎鐘聞。鍾云風末奇甚吾師久禪寂。在世超人羣。

○遊感化寺曇興上人山院

不遠灞陵邊。安居向十年。入門穿竹徑。留客聽山泉。鍾云真情事鳥轉深林裏。心閒落照前。浮名竟何益。

從此願棲禪。

○夏日過青龍寺謁操禪師

安禪一室內。左右竹亭幽。有法知不染。無言誰敢。
酌。譚云大鳥飛爭向夕。蟬噪已先秋。煩暑自茲適。
清涼何所求。

○西塔寺陸羽茶泉

竟陵西塔寺。踪跡尚空虛。譚云五不獨支公住。曾
經陸羽居。少堂荒產蛤。茶井冷生魚。一汲清冷水。
高風味有餘。

○金屑泉

榮。淳。澹。不。流。金。碧。如。可。拾。迎。晨。含。素。華。獨。往。事。朝。

汲

譚云情事
冷然寫出

○崔九欲往南山馬上口號與別

歸。山。深。淺。去。須。盡。丘。壑。美。

譚云二句已盡矣。再下注胸便無味。莫學

武陵人暫遊桃源裏。

崔興宗

○同王右丞送瑗公南歸

行。苦。神。亦。秀。冷。然。谿。上。松。

鍾云高僧圓

銅瓶與竹杖。來

自祝融峰常願入靈岳。藏經訪遺踪。南歸見長老。

且爲說心胸。

譚云凡前四句佳絕者極難爲後四句如此宕開甚妙。

慕容承

○攜素饌過王維

行行西陌返，駐憶問車公。挾轂雙官騎，應門五尺童。
老年如塞北，鍾云北衰髡似秋天，皆遠勝之。強起離牆東。爲報壺丘子，來人道姓蒙。

丘爲

○尋西山隱者不遇

絕頂一茅茨，直下三十里。扣關無僮僕，窺室唯_案。
几。鍾云真境。若非中柴車，應是釣秋水。差池不相見，_隄。
俛空仰止。少色新雨中。松聲晚窗裏。及茲契幽絕。

自足傷心耳。雖無賓主意。頗得清淨理。鍾云說得不遇不欺

典。興盡方下山。何必待之子。

鍾云若作悵然語便淺矣。

○題農夫廬舍

東風何時至。已綠湖上山。

鍾云不說出中樹。甚有味。○鍾云此綠字虛用

有情。湖上春既早。田家日不閒。溝塍流水處。耒耜平蕪間。薄暮飯牛罷。歸來還閉關。

○汎若邪溪

結廬若邪裏。左右若邪水。無日不釣魚。有時向城市。谿中水流急。渡口水中寬。每得樵風便。往來殊不難。鍾云說得透。一川中長綠。四時那得辨。短褐

遮而不開。激

衣。妻。兒。餘。糧。及。鷄。犬。日。暮。烏。雀。稀。稚。子。呼。牛。歸。住。
處。無。鄰。里。柴。門。獨。掩。扉。鍾云門扉二字不鬼犯

譚云說來祇是清幽全不蕭條。

○留別王維

歸。鞍。白。雲。外。鍾云說得行色不近繚。繞。出。前。山。今。日。又。明。日。
自。知。心。不。閒。鍾云此不閒說得幽靜親。勞。簪。組。送。欲。趁。鶯。花。
還。一。步。一。回。首。遲。遲。向。近。關。

譚云別得王維。

○登潤州城

天。末。江。城。晚。登。臨。客。望。迷。春。潮。平。島。嶼。殘。雨。隔。虹。

覓。鍾云。隔字真光景。非親歷不知其妙。鳥與孤帆遠。烟和獨樹低。山何處是。目斷廣陵西。

○送閻校書之越

南入剡中路。山雲應轉微。湖邊好花照。鍾云。花照有景。山口細泉飛。此地饒古跡。世人多忘歸。經年松雪在。永日世情稀。芸閣應相望。芳時不可違。

○左掖梨花

冷艷全欺雪。餘香乍入衣。春風且莫定。吹向玉階飛。鍾云。只是要說得有情。

詩歸第九卷終